

祖題加
旌表

朱玉妻張氏

興隆人玉歿張年二十一哭三日絕而復甦日婦人從一而終

吾夫既歿吾何以生
遂具衰絰自縊歿

權繼武妻周氏

興隆人繼武都指揮征香爐山陣亡周全節以終被旌

吳融妻王氏

蘭誨妻郭氏

狄應龍妻李氏

俱興隆人夫歿守節萬曆間旌表

皇清

余洪烈妻毛氏

興隆人洪烈歿毛年二十四撫子守節永操四十餘年康熙六

年守備秦傑
詳給旌匾

甕安縣

明

戎獠妻江氏

甕安人獠歿江年二十無子矢志守節年八十始卒萬曆間旌